



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 47. Synodus Pictaviensis.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Sæcul. XIII.
A.C. 1280

§. XLVII.

Synodus Pictaviensis.

Plures inter Fratres Minores, quos Papa Nicolaus creavit Episcopos, memoratur in Francia Gualterius Brugenſis Pictavorum Antistes. Hanc sedem an. 1271 vacuam reliquerat moriens Hugo Castro-Rodulphinus. Collegium duas fecit electiones, quæ per appellationem ad Romanam delatæ curiam diuturnam ibi litem genuere. Tandem electus uterque suum jus in manibus Papæ deposuit: qui hunc episcopatum Fratri Gualterio Brugenſi a patria sua id nomen adeptus contulit. Erat Theologiæ Doctor, & tunc Minister per Turoniam Provincialis, ex doctrina & virtute sua clarissimus. Hanc dignitatem accipere, quantum potuit, recusavit. Etiam Minister Generalis Bonagratius eum Ordini suo conservare studuit. Sed Papa commune Ecclesiæ bonum eorum precibus anteferens Gualterium sua sacravit manu, ut significat in epistola ad Regem Galliæ pro illo scripta an. 1279. Qui Ecclesiæ Pictaviensi sex & viginti annos præfuit.

to. II. conc.
p. 1139. c. 11.
c. 1.

Anno 1280 synodum celebravit, in qua quædam statuta edixit notatu digna. Interdicitur, ne ii, qui jurisdictionem habent,

bent, in schedulis vacuis sigillum imprimant. Nempe, quia plerique homines profani nesciebant scribere, chirographa non erant in usu, solumque Judicum sigillum actis auctoritatem dabat. Quocirca Judices per alium canonem vetantur pactioes Judæorum scænebres sigillo munire. Prohibetur, ne Decani ruris & Archipresbyteri variis in locis Judices seu Vicarios constituent. Nimirum multiplicati Judices multiplicabant sine fine lites ac vexationes. Mandamus, ait Episcopus, ut Abbates, Abbatissæ, Priores, cæterique cœnobiorum Præsides nobis proxime subjecti, Archipresbyteri, Decani, & Parochi nobis & ordinariis expiationum Præfectis, aut illis poenitentiae administris, quod ipsis speciatim designaverimus, sacras confessiones faciant. Hic constrictam cernimus libertatem eligendi arbitros conscientiae. Diaconi vendicabant sibi facultatem absolvendi poenitentes in tribunali sacro: id quod hic prorsus interdicitur, & damnatur tanquam alienæ potestatis usurpatio. Ecclesia dicebatur habere jus irrogandi Judæis poenas pecuniarias. Ad Judicem ecclesiasticum vocabantur suspecti de lepra, ut vel infecti aliqua declararentur, vel se de suspitione purgarent. Bissex-tum nuncupabatur quoddam jus episcopale.

Sæcul. XIII.
A.C. 1280.

c. 6.

c. 2.

c. 4.

c. 5.

c. 6.

c. 7.

c. 14.

§. XLVIII.

Histor. Eccles. Tom. XXII.

H